

ΣΥΝΘΕΩ
DISPVATIO INAVGVRALIS
MEDICA
DE
A NEVRYSMATE

QVAM
AVTHORITATE AC DECRETO
MAGNIFICI
NOBILISSIMI ATQVE GRATIOSISSIMI
CONCILII MEDICI
IN
PERANTIQA RAVRACORVM
VNIVERSITATE
PRO
SVM MIS DOCTVRÆ MEDICÆ
INSIGNIBVS DIGNITATIB. ET PRIVILEGIIS
SOLENNITER AC LEGITIME
IMPETRANDIS
PVBLICO PHILIATRORVM EXAMINI
AD DIEM XXIII. AVGVSTI
A. P. S. cId Idc LXVII.
IN ACROATERIO MEDICORVM
SVBMITTIT
SEPTIMVS ANDREAS FABRICIVS
NORIMBERGENSIS.

BASILEÆ
TYPIS IOH. IACOBI DECKERI
ACADEMIÆ TYPOGRAPHI.

THE UNIVERSITY OF CHICAGO

1912

DISPUTATIO IN AVENAE
MEDICA

DE FEVERE TYPHO

PER

JOHANNES BAPTISTA
MAGISTER
MEDICINAE
ET
PHYSICAE
PRAECEPTOR
IN ACADEMIA
MEDICA
CHICAGOENSIS

CHICAGO
PUBLISHED BY THE
UNIVERSITY OF CHICAGO PRESS
1912

THE

UNIVERSITY OF CHICAGO PRESS
CHICAGO
PUBLISHED BY THE
UNIVERSITY OF CHICAGO PRESS
1912

CHICAGO
PUBLISHED BY THE
UNIVERSITY OF CHICAGO PRESS
1912

Συὶ Θεῷ.

DISPUTATIO INAUGVRALIS
MEDICA

de

A N E V R Y S M A T E .

T H E S I S I .

Inter Operationes Chirurgicas, quæ maiorem Administrantium peritiam, dexteritatem ac solertiam requirunt, sunt I. Trepanum. II. Depositio Catarrhactæ. III. Depositio Ungulæ. IV. Laryngotomia. V. Paracenthesis Thoracis. VI. Paracenthesis Abdominis. VII. Arteriotomia. VIII. Hysterotomotocia. IX. Lithotomia. X. Keletomia. XI. Amputatio Membrorum exteriorum. XII. Nasi amputati ex carne Brachii restitutio & aliæ: de quibus omnibus Chirurgorum libri videri possunt.

II.

Quoniam verò inter has Operationes Arteriotomia quoque fit mentio; & plurimi Authorum testantur, in sectione Arteriarum Aneurysma admodum difficulter præcaveri posse: sublimiores de Aneurysmate cogitationes suscipere, & genium ac naturam illius penitiùs introspicere cœpi. Vnde nata mihi præsens Disputatio inauguralis, in qua Cognitionem pariter atque Curationem Aneurysmatis, pro virium tenuitate, bono cum Deo, breviter ac dilucidè explicabo.

III.

Cæterum Cognitio Aneurysmatis, sicuti omnium Affectio-
num p. n. consistit primò in Definitionis consideratione, quæ duplex est: Nominis & Rei. Nominalis Definitio Etymologiam vocis & Significata perpendit. Realis Genus, Subjectum & Causas explanat. Deinde in Differentiarum enumeratione, & tandem in Signorum Doctrina: quæ omnia ante Curationem examinanda sunt.

IV.

Libr. 1.
Meth. Med.
cap. 3.

Gorr. Libr. 1.
Definit.
Med.

Quod principiò *Onomatologiam* seu *Nominis explanationem* attinet, ea necessariò hoc loco præmittitur, quia ut *Galenus* ait, sine hac rem velle cognoscere, nihil aliud est, quàm tempus perdere. Et, ut *quidam Eruditorum* docet, non fas est ad rem tractandam decurrere, nisi priùs Vocis Significata exhibeas & ambiguitates detergeas. Sciendum igitur, quòd *Aneurysma* non ab α privati-
vâ particulâ & $\tau\nu\rho\sigma$, à *Nervo* (quasi *Enervationem* dicas) oria-
tur: siquidem non *Nervus*, sed *Arteria*, quæ ab hoc plurimùm
differt, hujus Affectûs sedes est. Rectiùs autem $\alpha\nu\rho\sigma$ à $\alpha\nu\rho$
& $\rho\nu\epsilon\iota\nu$, quod suprà dilatare, vel potiùs à verbo $\alpha\nu\rho\rho\nu\epsilon\iota\nu$, quod
ampliare & diffundere significat, derivatur: quia *Arteriæ* tu-
nicæ ampliantur, & etiam *Sanguis* ex interiore in exteriorem
diffunditur. Vnde parum momenti habere videntur Nomina,
quibus *Arabum interpretes* hunc Affectum indigitant, quando
Emborismum, *Emborisma*, *Aporisma* & *Hyporisma*, itemque sanguinis
matrem nuncupant. *Vocabulum Aneurysmatis* sumitur aliquando,
in latiori tamen significatione, pro omni vasis dilatatione, sive
Vena sit, sive *Arteria*.

V.

Realem Aneurysmatis Definitionem Authorum Dissensiones dif-
ficiliorem reddunt. Dissentiunt enim ab invicem potissimùm
in doctrina de Genere seu Forma, & Modo productionis, quan-
do id alii per *Arteriæ Dilatationem* & *Relaxationem*; alii per
Apertionem; alii per *Tumorem p. n.* definiunt. Veniam à Do-
ctis me consecuturum spero, si fortè in re tam ambigua & contro-
versa, pedem alicubi impegero & secessionem ab illis fecero.

VI.

Est autem *Realis Aneurysmatis Definitio*, quòd sit *Arteriæ*
Dilatatio vel cum vel sine interioris tunicæ *Apertione*, à
Sanguine Arterioso proveniens. Hæc *Definitio* licet fortassè
non omnibus perfecta & absoluta esse videatur, eam tamen
pro *significante* hujus Affectûs *Descriptione* haberi posse, omninò mi-
hi persuadeo.

VII.

Genus Aneurysmatis constituitur *Dilatatio*: cætera verba ab-
solvunt *Differentiam*. Tumor ergò, tanquam Genus remo-
tius, rejicitur.

VIII. Sub-

VIII.

Subiectum Aneurysmatis Speciale sunt Arteriæ, Generale verò plures corporis partes tam internæ, quàm externæ. Sic, notante Julio Cesare Claudino, fieri nonnunquam solent Aneurysmata in Capite, in flexura & cavitare Cubiti & ad alia Arteriarum loca. Rembertus Dodonæus infra Guttur, supra Os Pectoris, circa Spinam Dorſi, in Ostio Ventriculi & in Meſenterio, Aneurysmata enata fuiſſe, recenset. Andreas Veſalius apud Johannem Schenckium ſcribit, ſe viſiſſe in Poplite, in Pectore, in Brachiis: quod ipſum etiam Eustachius Rudius calculo ſuo approbat. Frequentiſſimè autem in Gutture oriri, præſertim in Mulieribus, poſt Partum difficiliorem, plerique omnes Medici teſtatum faciunt. Quare, ut hoc obiter addam, ſedulò caveant Obſtetrices, ne Parturientibus, interenitendum, caput imprudenter efferre ac velociter reſupinare permittant. Ejusmodi Aneurysmata interdum etiam Cantoribus & Tibicinibus ac aliis, vocem vehementer intendentibus, acciſiſſe, Bernhardus Suevus, ex Commentario Danielis Sennerti in Galennum de Tumoribus, memorat. Aneurysmata à Vomitu, à Venere, nec non in Currentibus & Ebriis excitata fuiſſe, multi tradunt Authores.

Conſult.
Med. 67.

Obſ. Med.
rar. cap. 51.

Libr. 5. de
Tumorib.
p. n. Obſerv
Med. 211.

Libr. 5. de
Tumorib.
cap. 3.

Tract. de
Vulner. In-
ſpect. part.
2. cap. 11.

IX.

Virum autem Sanguis, in Aneurysmate, ex Arteria profluat & ſubter cutem ſeſe recipiat? non malè quæritur. Pro negativa militante ſequentes Rationes. Prima eſt, quòd omnis Sanguis extravafatus, ſive extra proprium locum profuſus, putreſcat & corrumpatur: ut in Ecchymomate videmus, ubi Sanguis, integrâ ſæpè cute, in vicina partium ſpatia effunditur, & color, qui in parte eſt, principiò in rubrum, deinde lividum, poſteà flaveſcentem, vireſcentem & nigricantem, mutatur. Secunda, ſi Sanguis eſſet extra Vaſa, tunc non tam citò cederet prementi digito, in Arteriæ Corpus ingrederetur & ablato digito rediret. Tertia, quia Sanguis non in longum & latum ac circumcirca diffunditur, ut in Contuſionibus & nonnunquam poſt Venæſectionem contingere ſolet; præcipuè cùm Sanguis Arterioſus magis tenuis ac impetuoſus, & ad fluendum atque penetrandum aptior ſit, quàm Venoſus.

Gal. Libr. 6.
de Anat.
Adminiſtr.

X.

Cass. Bar-
hin. Theatr
Anat. Libr.
2. Cap. 23.

Alius igitur Receptionis locus est querendus, hoc modo : Omnis Arteria duplicem habet tunicam, unam anteriorem, alteram posteriorem. Exterior tenuis est, rara ac mollis, qualis est venæ tunica : Interior crassitie ferè quintupla, densa ac dura. Ex his tunicis, quando interior vel extensione vel alio modo, rumpitur, vel sectione aperitur, non facile, tanquam durior coalescit. Altera verò, siue exterior, quia venæ tunicæ cognata est, haud difficile & dum interior adhuc patet, coalescit : unde etiam à sanguine spirituosum exitum impetuosè quærente, extenditur & tumorem hunc, qui leviter manu compressus sibilum edit, producit.

XI.

Causarum Aneurysmatis multæ recensentur : quæ tamen omnes sic dividi possunt, ut alia sit Proxima & Immediata : aliæ verò Mediate. Proxima Causa, inter quam & Morbum ipsum nulla intercedit alia, est sanguis spirituosus, qui vel utramque Arteriæ tunicam distendit, vel ab interioris Arteriæ tunicæ apertione profunditur & anteriorem dilatat. Mediate Causæ dispenduntur in Internas & Externas. Hæ in Remotiores & Propinquiores. Illæ in Necessarias & Contingentes. Necessariæ Aneurysmatis Causæ sunt sex Res Non-Naturales à Medicis vocatæ, utpote 1. Aer calidior. 2. Cibus acris, salsus, piperatus, aut aliis aromatibus nimium conditus. Potus largior Vini generosioris, itemq; frequentior Spirit. Vin. & similium ingurgitatio : quæ omnia sanguinem & spiritus potentissimè inflammare & accendere, atque sic ansam huic malo dare possunt. 3. Vigiliæ nimie ac somnus nullus, unde sanguis biliosus factus, accenditur. 4. Quies, Inquies, Motus immodicus, quod etiam Cursitationis, Equitationis & Vecturæ excessus pertinent. 5. Excreta & Retenta vitiosa, ut : sanguinis è naribus fluere soliti suppressio, V.S. & Hirudinum aut cucurbitularum intermissio, &c. 6. Animi Pathemata, potissimum Ira & Furor.

XII.

Contingentes de externis Mediatæ Aneurysmatis causis sunt Incisio, Distentio, Conflictio, Vincula, Casus, Pondera, Afflatus, Clamor, violentus Membrorum Raptus, &c. Inter Causas Me-
diatas

diatas internas Proximiores refertur Sanguis copiosior, calidior, acrior, falsus, præcipuè scilicet biliosus. Inter *Remotiores* numeratur calidior corporis Intemperies, sive de Natura talis, sive ex Morbo talis sit. *Humor Melancholicus* aliusvécraffus, craffitie suâ Arteriam distendendo & tanquam repagulum sanguinis Arteriosi fluxum sistendo, Aneurysmatis causa etiam esse potest. Verùm cum Aneurysmatis à suprà tantum enarratis causis orti curationem declarare animus sit, ne scilicet *Disputatio* hæc præfixam transcendat metam; de melancholico humore saltem hoc in transitu proponere volui.

XIII.

Haftenus *Definitio. Differentia Aneurysmatis* jam investigandæ occurrunt. Harum aliæ à *Forma, Subjecto seu parte affecta & Causis* peti solent: aliæ à *Magnitudine, More & Motu*. A *Forma* desumpta *differentia* est, quod aliud sit rotundum, ut pleraque omnia videmus: aliud longiusculum, quod rariùs contingit. A *Subjecto* seu parte affecta: aliud externum est, aliud internum. A *Causis*: aliud fit à Causa externa, aliud ab interna. Totuplices enim sunt *Differentia Aneurysmatis* ratione Causarum, quotuplices causæ esse solent. A *Magnitudine*: aliud majus est, ut Hispanus ille habuit, cujus picturam M. A. Severinus exhibet; aliud minus, instar globuli vel etiam pilæ. A *More*, aliud mitiùs tractat Ægrum, aliud graviùs. A *Motu* denique: aliud curatu facilius est, aliud difficilius.

Libr. de
Absc. cap. 7.

XIV.

Traditis *Aneurysmatis Differentiis, Signa* ejus detegenda veniunt. *Signa* autem vel sunt *Diagnosticæ* vel *Prognosticæ*. Illa 1. ipsum Affectum declarant. 2. Causas manifestant. 3. ostendunt, quâ ratione ab aliis Affectibus p.n. distinguatur. *Signa Diagnostica* ipsum *Aneurysma* & quidem externum denunciantia sunt Tumor pulsans, plerumque mollis, digitorum compressioni cedens & amotis digitis retrogrediens, cum cutis colore non variegato. Non obstat, quòd *Ambrosius Paræus* asserat: nonnunquam, in *Aneurysmatibus* grandioribus, nec pulsus percipi, nec sanguinem in Arteriam digitorum compressione, compelli. 1. Quòd major sanguinis effusi copia sit, quàm ut pristinis Arteriæ conceptaculis coërceri possit. 2. Quòd sanguis in thrombos coëat & con-

Chirurg.
Libr. 6. circa
finem cap.
ultimi.

& concreſcat, ut deſtitutus poſtea Ventilationis beneficio, quod à corde habet, putreſcat, ingentes dolores excitet, Gangrænâ & Sphacelum producat, adeoque tandem ipſius Animantis interitum acceleret. Quicquid enim de his ſit, negari tamen non poteſt, quod ſemper quidam Vicarius motus aut ſtrepitus, velut bullientis aquæ, inibi perceptus fuerit, quodque ſibillum illum non modò digitis, verum etiam auribus admotis, deprehendere licuerit. *Aneurysma internum* plerumque poſt obitum demum pateſcit, & præter moleſtam pulſationem, vix ullum exhibet indicium.

XV.

De Cauſarum Signis ſequentia hîc exprimi debent. In utriusque Arteriæ tunica Dilatatione Tumor eſt durior, oblongior, teretior & Arteriæ formam referens. *In interioris Arteriæ tunicæ Apertione & exterioris Dilatatione* Tumor eſt mollior, rotundior, amplior & major.

XVI.

Diſtinctiva Signa ſunt hæc. Differt ab *Ecchymomate Aneurysma*, quòd in hoc Tumor ipſarum Arteriarum plerumque mollis ſit, compreſſioni digitorum ſic cedens, ut ſi fortè ſit exiguus, penitus diſpareat, ſanguine Arterioſo intrò, in Arteriæ corpus, refugiente, ſed mox ſublatis digitis, pari celeritate, regrediente. Sentitur etiam ſemper pulſatio motuſve vicarius in *Aneurysmate* & interdum tantus, ut veſtimenta eleuet atque exteriùs conſpiciatur; & cutis color à nativâ ſua conſtitutione non recedit, ut *Paræus* loquitur. In *Ecchymomate* verò pulſatio non ſemper adeſt, ſanguis que Venofus & Arterioſus, vel uterque ſimul, in vicina ſpatia, per vaſorum apertionem, effunditur, qui ita cutem mutat, ut ſi quis ex alto decidiffet, aut graviore alicujus rei pondere oppreſſus, vel etiam clavâ, lapide, ſtipite ac ſimilibus percuffus fuiſſet. A *Varice* diſcernitur *Aneurysma*, quòd hujus ſedes ſit Arteria, illius autem Vena. In *Varice* etiam nulla percipitur pulſatio. A reliquis Tumoribus per eadem ferè ſigna diſcriminatur.

XVII.

Signa Prognostica hæc præcipuè commemorantur. 1. Omne gravius *Aneurysma* difficillimæ & ſæpiùs nullius eſt Curationis: quia

Chirurg.
Libr. & cap.
proximè
cit.

quia Medicamentis bene gaudere & sine manus opera, quæ plerunque non sine repentina morte, ob sanguinis effusionem instituitur, sanari nequit. Deinde, quia ob continuum sanguinis motum curationi reluctatur. 2. *Aneurysmata* minora & recentia haud rarò sanantur: Antiqua verò & majora quasi nunquam, propter antea dictas rationes. 3. *Aneurysmata* interna nullo auferuntur tempore: quia nec manu, nec medicamentis, debitam opem ferre licet. 4. Solus *Aneurysmatis* Tumor externus, nisi excessivus fuerit, parum vel nihil periculi habet. Ita plurimi Medici multa viderunt *Aneurysmata*, quæ, licet longo tempore durârint, nullum tamen notabile Ægris incommodum pepererunt. Quare præstat, meo quidem iudicio, levius damnum tolerare, quàm periculosam Curationem suscipere.

XVIII.

Exempla feliciter Curatorum Aneurysmatum palmaria ferè sunt sequentia. *Primum*. *Lazarus Riverius* his verbis suppeditat: Filius *Petri Vesiani*, Mercatoris *Monspeliensis*, ex imprudenti V. S. in *Aneurysma* incidit. Cum autem Cataplasmatibus adstringentibus ex Bolo, Terra Sigillat., aliisq; compositis, Aceto & album. Ovi subactis, ac tertio quoque die immutatis, nec non fasciis arctissimè superinductis, commodè tractaretur, trium mensium spatio curatus fuit. Cent. 3. Ob-
serv. 43.

XIX.

Secundum ex Guilhelmo Fabricio Hildano desumptum est. Is ait: fuit quidam *Nicolaus Gessæi* nomine, cui, cum sibi basilicam dextram à barbitonfore incidi curâsset, Arteria quoque simul compuncta fuit: unde paulatim *Aneurysma* exortum est, cui cum, spatio mensis & ultra, medicamenta, frustra tamen, adhibita fuissent, *Genevæ* Medicos & Chirurgos nonnullos in consilium adhibere coactus fuit. Hi cum rem in difficili esse, ac vix brachium servari posse, ipsi significâsset, ad me *Paterniacum* venit mense Majo. Tum eo loci, ubi antea V. S. facta fuerat, deprehendi tumorem, magnitudine ovum anserinum adæquantem, pallidum & utcunque durum, in quo pulsatio non tantum digito per sentiebatur, verum etiam oculis conspiciebatur: talis enim erat pulsatio, ut pulvillos & fascias circumpositas in altum protruderet. Brachium quoque extendi non poterat. Do- Cent. 3. Ob-
serv. Chi-
rurg. 44.

lor tamen non adeò erat ingens, nisi cùm brachium extendere veller. Ego, quùm curatu difficillimum hunc Affectum animadverterem, manum admoveere recusavi; precibus tamen ipsius commotus curationem aggressus fui & brevi, *Dei beneficio*, in integrum restitui Ægrum.

XX.

Obs. Med. rar. cap. 51. *Malè curatorum Aneurysmatum* unam atq; alteram *Historiam* etiam adjicere placet. *Primam* habet *Dodonæus*, cùm scribit: Temerarius quidam Chirurgus *Aneurysmatis* in Pectore tumorem scalpello aperire ausus fuit: hoc aperto, profluente copioso sanguine & spiritu vitali, Æger citò defecit.

XXI.

Libr. 5. de Tumorib. p. n. Obs. Med. 211.

Secunda est apud *Schenckium Adolph. Octonis* sic loquentis: Ante annos plùs minùs 40. in cura quendam habui Patritium, qui ex saltu & concussione Equi ferocientis in vehementissimum dorsi dolorem incidit. Ideoque aliunde hùc vocatus fuit *Vesalius*, qui, ut deprehendit tumorem in dorso, circa vertebrae aut spinam, pulsantem, statim dicebat *Aneurysma* esse ex dilata-tione Arteriæ Aortæ, idque ex saltu seu concussione Equi, con-tigisse, & incurabile fore. Cùm autem Æger, supra biennium, hoc gravissimo morbo conflictatus, omniq; auxilio Medico destitutus esset, tandem in manus Empirici cujusdam incidit, qui salutem pollicitus exhibuit Catapotia, nescio qualia, ex quibus in sanguinis sputum incidit Æger, & sic miser tan-dem in conjugis sinu, extinctus est. Dissecto corpore reperimus id, quod *Vesalius* prædixerat, nimirum in ipsa Arteriæ Aortæ ca-vitate, tumorem prægrandem, durum, carnosum ex sanguine Arteriali concretum, qui foràs etiam protuberans, dolorem & pulsationem in dorso inferebat.

XXII.

Hucusque etiam *Signa*, adeoque totius *Aneurysmatis Δια-γνωσιν* & Πρόγνωσιν, pro ingenii modulo, levi penicillo ad-umbravi. Nunc me Ordinis ratio vocat, ut ad Θεραπεύαν de-veniam, & quomodo illud curari possit, vel non possit, pariter delineem. Siquidem Medicina propriè considerata non est sci-entia, quæ in se ipsa acquiescit: sed Ars, quæ adhuc integram corporis humani sanitatem conservat, morbis verò labefactatam restaurat.

restaurat. Unde rectè alicubi *Aristoteles*: Veri, inquit, Medici illi sunt, qui ægritudines tollunt ac noxia pellunt; non verò, qui curandi modum callent & nihil agunt.

XXIII.

Verum enimverò, qui ritè Morbos curare ac depellere volunt, Nautas imitentur necesse est, qui antequàm Oceano sese committant, Pyxidem Nauticam inspiciunt, ut tantò faciliùs ad locum, quem intendunt, pertingant. Sic illi duabus rebus instructi sint oportet. 1. *Methodo Medendi*, quàm per *Indicationes* *Juvantia* inveniant. 2. *Instrumentis* seu *Materia Auxiliorum*, quàm id, quod per *Indicationes* inventum est, exequantur. Absolvitur autem *Methodus Medendi Indicationibus*, quarum tres sunt. 1. *Curatoria*, quæ Morbum. 2. *Præservatoria*, quæ Causas. 3. *Vitalis*, quæ *Vires* respicit.

XXIV.

Morbus est Dilatatio Arteriæ vel cum vel sine interioris tunicæ Apertione, quæ *Adstringentia* & *Consolidantia* indicat. *Causa Proxima*, quæ est Sanguis spirituosus calidior, postulat *Evacuationem*, *Repulsionem* & *Derivationem*. *Causa Mediata Proximior*, quæ etiam est sanguis spirituosus copiosior, calidior, acrior & falsus, suadet ut quantitate peccans *Evacuantia*: ut calore, acrimoniâ & tenuitate *Refrigerantia*, *Demulcentia* & *Incrassantia*: ut motu *Revulsionem* & *Interceptionem*. *Causa Remotior*, quæ est Intemperies calida, urget *Refrigerantia*. *Causæ externæ* quoque sunt emendandæ. *Vires* denique delapsæ sunt refocillandæ & per convenientem Diætam conservandæ. *Materia Præsidiorum* ex usitatis tribus *Fontibus* depromitur.

XXV.

Ex *Fontis Chirurgici Scaturiginibus* communiter promanant: *Venæsectio*, *Cucurbitulæ*, *Fonticuli*, *Inustiones*, *Vesicatoria*, *Ligatura*, *Frictiones* & *Incisiones*. De quibus antequam agam, Lectoris permissu, præmittam rationem ac modum, quò imprudenti Arteriæ incisioni, cum Phlebotomia invitè factæ, tempestivè ac statim in principio succurri possit. Quandoquidem, nisi id mox in principio fiat, & antequam (dilatatâ exteriori Arteriæ tunicâ) *Aneurysma* ortum sit, Curatio postmodum longior ac difficilior futura est. Quamprimùm igitur Chirurgus animadvertit sanguinem

Joh. Scult.
Armamēt.
Chirurg.
part. 1. tab.
52.. figur. 1.

Libr. 4.
part. 2. Ob-
serv. Med. 1.

Armamēt.
Chirurg.
part. 2. Ob-
serv. 96.

Libr. 5 Prax
Med. part. 1.
cap. 43.

à Sectione floridiorem, quasi saliendo, confertim profuere ac impetuosè velut exundare, statim de Arteria compuncta cogitet. Quare protinùs 1. foramini laminam plumbeam, argenteam, auream, aut nummum orbiculatum, seu crucigerum minorem vulgaris monetæ, aut etiam integrum ossiculum mali perfici, superimponat, ac 2. Arteriam arctissimè occludat, ut scilicet hoc modo cutis sensim intumescens, impositum nummum vel laminam quasi obvallet, sanguinis Arteriosi impetum coërceat ac denset, itemque tumoris augmentum prohibeat. *Gregorius Horstius*, ocyùs, occluso foramine, Emplastrum ex farina volatili, Bolo Armen., Terr. Sigillat., Pulv. Rad. Consolid. major. & similibus superaddit & compressiori ligaturâ factâ sanguinis affluxum cohibet. *Scultetus* vulneratæ Arteriæ spongiolam combustam, albumine Ovi agitato imbutam, & Pulv. Lapid. Chrysoliti præparati, nec non Adstringentibus *Galem* conspersam, imponit. *Sennertus*, ad vulnus Arteriæ constringendum & adglutinandum, commendat Emplastr. contra Rupturam & sequens Ceratum: Recipiantur Thuris masculi part. duæ, Aloës pars una cum semisse, misc., cum album. Ovi conquassentur & pilis leporinis excepta vulnere Arteriæ imponantur.

XXVI.

Venæsectio varios adimplere potest scopos: evacuat enim, revellit, derivat, refrigerat. Quantum autem sanguinis sit detrahendum, accuratè determinare est difficile. Omnes itaque circumstantiæ, quæ circa S. M. contemplandæ veniunt, sunt observandæ; quibus diligenter pensitatis nullus committitur error. *Cucurbitula* sine & nonnunquam cum scarificatione, atque *Hirudines* etiam sunt proficuæ. *Fonticuli* & *Vesicatoria* minoris sunt utilitatis. *Inustiones* pro adstrictione & ad sistendum sanguinem non inutiliter instituuntur. *Friciones* suspensionis crimine non carent. *Ligaturæ* arctiores multum juvant.

XXVII.

Vbi autem hujusmodi *Remediis Chirurgicis* propositum finem non assequuntur Medici, confugiunt cum *Aëtio*, *Albucasi* & aliis, ad *Incisionem*, quæ non, nisi cum summo vitæ periculo, administratur: nempe, Arteriam incidunt ac duobus interceptam vinculis, inter ista dissecant. Nolunt verò dissolvi vincula, antequam

tequā vulnus à Natura obductū sit carne & ab omni Hæmorrhagiæ metu liberum. Similem Incisionis modum *Paul. Aegineta* ha-
bet, libr. 6. de Re Med. cap. 37. cuius verba hujus sunt tenoris: Si tumor ex apertione factus
est, sectionem rectam in longitudinem cuti infligimus. Deinde,
disparatis per hamulos labiis, excoriantes & per apta ad hoc in-
strumenta, à membranis repurgantes, Arteriā nudabimus & acūs
sub ea transmissione, ac per duo fila deligatione usi, ubi prius in-
termediā Arteriæ partem scalpello punxerimus &, quod con-
tinetur in ea, evacuaverimus, suppurante Curatione utemur,
donec deligata filorum vincula excidant, &c.

XXVIII.

Paræus eodem ferè modo Incisionem fieri jubet. Cutis, ait, Chirurg. libr. 6. cap. 28.
superincidatur, donec patefiat Arteria, patefacta ipsa scalpello
undique à circumjacentibus particulis diducatur, ipsi retusa &
incurva acus, introrsum filum trahens subjiciatur, ligetur, hinc
abscindatur, intorti fili lapsus ex sese expectetur, dum Natura
abscissæ Arteriæ oras, regeneratâ carne, obducet: dehinc reli-
quum curationis simplicium vulnerum modo absolvatur.

XXIX.

Rodericus à Fonseca idem de Incisione scribit, cum inquit: Tom. 1. Consult. Med. 60.
Ligetur utrinque Arteria, carne denudata, & in medio pun-
gatur: tunc enim, ob ligaturam, non multus effunditur sanguis.
Addit verò mox: Hanc Incisionem, cum Ægri commode fieri
non posse. Nam si Sanguis extra Arteriam esset, factâ sectione,
effunderetur. Si solum in Arteria, non agglutinetur ea, & ulcus
fieret insanabile. Addit præterea aliam Operationem Manua-
lem, his verbis: Ligetur Arteria fursum ac deorsum, sine inci-
sione. Sed operatio hæc etiam parum promittit commodi.

XXX.

Præter hoc *Claudinus* aliaduo Adjumenta, quæ ab ipso ma-
ximè convenientia appellantur, exhibet. Vnum est Brachiale Consult. Med. 67.
quoddam ferreum, quod ad exterius cubitum sit perforatum, in
flexura verò partes habeat contiguas, quæ ferro aliquo impul-
sorio (vulgò *una vite*) deorsum paulatim, versus partem affe-
ctam, singulo quoque die, comprimi possit. Quod eò magis pro-
derit, si intrâ, pelle caninâ conditâ gallis immaturis & myrtis,
fuerit obductum. Alterum est multiplicata Vstio cutanea ad
locum affectum, ut cutis corrugetur.

His adungere placet *singulare* illud *Instrumentum*, quod
 Armament. *Scultetus*, ad carpum manûs depinxit ac sic descripsit: Conficiatur
 Chirurg. *Instrumentum* ex laminis ferreis, plurimis perforetur foramini-
 part. 1. bus, ut gossipio, inter duplex linteum posito, subduci, cubi-
 Tab. 18. fi- toque, instar manicæ, adaptari possit. Arteria carpi, vel de con-
 gur. 4. silio Medici aperta, vel casu fortuito vulnerata, tutissimè com-
 primitur hujus Instrumenti Cochleâ umbellatâ: ad compescen-
 dum enim Arteriosi sanguinis affluxum carpus vulneratus ne-
 que laxè, neque arctè est ligandus. Laxa enim Ligatura certam
 patientis mortem, arctior verò sphacelum manûs minatur: Il-
 lam, quòd sanguinem seu vitæ thesaurum non sistat; hanc,
 quòd vasa omnia comprimendo manum privet spiritu vitali.
 Instrumenti autem cochlea tabellata, quia ferè solam Arteriam,
 quæ vulnerata est, arctissimè comprimit, citra sphaceli metum,
 sanguinis fluxum compescere potest.

XXXII.

Severinus insignis ille *Neapolitanorum* Medicus, circa *Aneurys-*
matis curationem, quod *Domestici* ejus notârunt, frequentissimè
 Operationem taliter instituit. Primò Venam & Arteriam, su-
 pra & infra *Aneurysmatis* tumorem, ad prohibendum sanguinis
 effluxum, actuali Cauterio, seu ferro ignito, ussit: quâ ipsâ re-
 curationem breviter absolvit. Nonnulli denique, sine omni Li-
 gatura, *Aneurysmatis* tumore actuali Cauterio aggrediuntur aliquo-
 ties, ut videlicet hâc ratione tumor simul aperiatur, & sanguinis
 affluxus prohibeatur. Sed cum hæc Operatio valdè sit molesta,
 nec Æger eam facile ferre possit, successus ejus voluntati Ægro-
 tantis atque Experientiæ, rerum Magistræ, committatur. Ar-
 rideret mihi præ cæteris *Paræi* & *Sculteti* modus procedendi.

XXXIII.

Sequuntur *Auxilia Pharmaceutica*, quæ ex secundo Fonte hau-
 riuntur. *Pharmacia* autem primò suggerit *Lenientia*, *Preparantia*,
Purgantia mitiora, *Alterantia* & *Adstringentia*. *Lenientia* vel per supe-
 riora adsumuntur, vel per inferiora immittuntur. Per superio-
 ra, ut: Decoct. prunor. dulc., passular., pulp. prunor., Cass., Ta-
 marind. Per inferiora injici possunt Clysteres ex Rad. Alth., Ci-
 chor., Fol. Malv., Bismalv., Bet., Endiv., Flor., Viol. purp., Se-
 min. 4.

min. 4. frigidis major., Hord. purgat., Cass. extr. pro Clyster., Ol.
Rosar., Nymph. alb., Sal. comm. aut Nitri.

XXXIV.

Ex *Purgantibus mitioribus* præprimis conveniunt ea, quæ ad
bilem exterminandam faciunt. *Fortiora* in *Aneurysmate* interno
nunquam; in externo non facile & nisi cautè propinanda sunt.
Profunt autem Cass., Tamarind., Fol. Senæ S. S., Rhabarb. elect.,
Syrup. Rosat. solutiv. simpl., Violar. solut., Elect. Diaprun. la-
xat. composit., Nicolai. *Pilule* propter Aloëm hûc non quadrant.
Si opus sit, præcedat *Præparans* aliquod ex Acetos., Portulac., En-
div., Cichor., Santal., Hord., succ. citr. depurat. & similibus.

XXXV.

Succedunt *Alterantia*. In præsentî negotio, cùm sanguis
valdè sit calidus, *Refrigerantibus* utendum erit: eligantur autem
ea, quæ simul *adstringunt*, aut admisceantur *Refrigerantibus* *Adstrin-*
gentia. In usum itaque vocari possunt: Semper vivum, Bursa
Pastor., Plantag., Centinod., Hippur., Nymph., Semin. 4. fri-
gid. major. & minor., Aqu. Spermatis Ranar., Spérniolæ com-
positum Crollii, succ. Granator. acidor., Agrest., limon., Rib., Ber-
ber., fragor., Conserv. citr. pulp., Rosar. rubear., Acetos., Diacy-
don. ex succ. parat., Rob. Rib., Berber., Syrup. Granator. acidor.,
fragor., Tinctur. Rosarum. Hæc ultima non solum *refrigerant* &
adstringunt, sed insuper *corroborandi vim* obtinent. Medicamenta
autem jam dicta omnia vel sola vel cum aliis mixta, & in di-
versas formulas redacta, pro Ægrotantis Viribus, Naturâ &
Constitutione usurpentur.

XXXVI.

Constitui modò inter *Alterantia frigida* etiam *Aquam Spermatis Ra-*
narum & *Spérniolæ Compositum Crollii*. De *Aqua Spermatis Ranarû* refert
Joh. Hartmannus, quòd nonnullis, ad extinguendum Ignem sa- Prax. Chy-
crum, sæpè malo cum successu, familiaris fuerit. Est nempe Re- miatr. cap.
percutiens Medicamentum nimis frigidum & gravium Sym-^{271.}
ptomatum causa fuit manifesta. Laudatur verò, si cum Deco-
cto Myrrhæ & Olibani mixtum offeratur. Idem *Author* affir- Ibid. cap.
mat, eandem Aquam utiliter ad Hepatis & Testium Epirhema- 60.
ta recipi posse: sed Testes linteis Aceto Rosaceo, in quo Sper-
niolæ Compositum dissolutum sit, imbutis involvere jubet. Imò
dictam

In Notis ad dictam *Spermatis Ranarum Aquam* in Hæmorrhagiis quibusvis vul-
 Croll. Basil. nerum insignem habere efficaciam etiam *Hartmannus* docet.
 Chym. f. 476 *Petrus Poterius Aquam Spermatis Ranarum*, ad ℥ij. pro dosi, manè,
 Pharmac. jejuno stomacho, usurpatam, contra easd. Affectiones, peruti-
 Spagy. libr. lem esse, testatur. *Sperniolæ Compositum Crollius* sanguinem coa-
 i. fol. 346. gulare asserit, & ad sistendam Hæmorrhagiam internam, ubi
 Basil. Chy- omnia desperata sunt, ad grana tria vel quatuor, intra corpus, in
 mic. fol. 475 Aqua Bursæ Pastoris, exhibet.

XXXVII.

De Adstringentibus externis, Repellentibus & Consolidantibus inter Ad-
 Consult. minicula Chirurgica sermo factus est. Quibus insuper addi possunt,
 Med. 67. quæ apud *Claudinū, Fonsecam, Sennertū & Horstium* inveniuntur. *Claui-*
 Libr. 4. *dinus* primum Emplastr. ex Cupresso *Aëtii*, ex Sanicula cum
 cap. 19. Vino austero excepta & ex Granato austero cocta in sartagine,
 In Antidot. cum Oleo Myrtino paratum probat. Laudat deinde Ceratum
Montagnanæ, ex Scoriis Ferri. Tertiò, Fotum ex Spongia made-
 facta in Aceto decoctionis Scoriæ Ferri. Ultimò, Emplastr. ex
 Cortice Ulmi cocto & sapa excepto appositum & ad siccationem
 usque detentum miri usûs esse asserit.

XXXVIII.

Fonseca similiter Repellens *Aëtii* Emplastrum, quod ex Cu-
 Tom. 2 Cō- pressis foliis, cum Vino contritis, additâ Gallâ & Hypocistide pa-
 sult. Med. 53 ratur, itemque Oxyrrhod. tepidum suadet. *Sennertus* Cata-
 Libr. 5 Prax. plasmata Adstringentia & Emplastrum contra Rupturam, ut su-
 Med. part. 1 perius dixi, applicat. Addit præterea alia ejusdem generis Me-
 cap. 43. dicamenta, ex Rad. Symph. major., Mastich., Thur., Malicorio,
 Libr. 4. Acacia, Hypocistide, Myrto, Gallis, Aloë, Terra Sigillata, Bo-
 part. 2. Ob- lo Armen., Lapid. Hæmatite, Emplastr. Diachalcith. &c. com-
 serv. Med. 1 parata usurpari posse. *Horstius* Tumori pulsatili succurrit *Sper-*
niolæ Composito, & inter Adstringentia ac Indurantia, præter
 superiora, cum *Paræo & Fonseca*, Emplastr. ex Caseo recenti, cum
 succo sempervivi vel Aizoi, admixto fero, frigide & duplici linteo
 prætenso applicatum, vel etiam sale prunellæ, cum succo Plan-
 taginis permixto, adhibitum commendat.

XXXIX.

Ex ultimo Præsidiorum Fonte Dieta provenit, sine qua, ut *Joh.*
 Conf. Med. *Crato* profitetur, optima Medicamenta non solum parum effica-
 79. apud cia, ve-
 Laurent. *Scholzium*

cia, verum etiam noxia sunt: quin imò, ut *Idem* alibi monet, gra- Conf. Med.
 vi cum periculo Medicamentis auxilium ferimus iis Ægris, 3. apud
 quos recta victus ratio curare poterat. Quare ad ejus enarratio- Eundem.
 nem tandem descendam, & qualis ab *Aneurysmate* afflictis ob-
 servari debeat, dispiciam. Absolvunt autem *Diatam Sex Res Non-*
Naturales à Medicis appellatæ. E quarum numero primùm se
 hauriendum insinuat *Aër*: cujuscumque tanta est necessitas, ut, siquidem Hipp. de
 omnibus aliis abstineat homo, & nec Cibus sumat nec Potum, Flatib.
 possit tamen per dies duos vel tres, vel etiam plures, vitam du-
 cere: si cui verò Spiritus Vitalis intercipiatur, citò intereat ne-
 cesse est. Sit igitur *Aër* temperatus, ad frigidum moderatè ver-
 gens & ficcus: quia omnis Solutio Continui Aërem tempera- Quercet. de
 tum & siccum postulat, ac per exsiccationem consolidanda est. Sclop. Vul-
 Quamvis verò in hoc Malo, frigidus *Aër* conducibilior esse videat- nerib. cap. 3
 tur, & in pulsatione Arteriarum à *Roderico à Castro* laudetur: Libr. 2. de
 quia tamen Vulneribus admodum inimicus & nocentissimus Morb. Mu-
 est, vitari eum malim. lier. cap. 4.

XL.

Quia deinde Homo sine Alimentis ne vivere quidem,
 multò minùs rectà valetudine uti potest, & convenienti victu
 Natura nostra, in hac vita, aliquandiu conservatur, quatenus Horst. libr. 2.
 nimirum iisdem, id, quod perenni substantiæ defluxu consumi- de Corp. &
 tur, adjuvante Nutritione, quâ Nutrimentum in partium sub- An. Exerc.
 stantiam convertitur, mirabili modo restituitur, & sic immatu- q. 3. 6. & libr.
 rus Hominum interitus præcavetur, vitaque nostra prolonga- dist. Exerc.
 tur. Equidem de *Cibis*, *Aneurysmatico* Ægro convenientibus, 4. q. 11.
 paucula quædam proferam. Sit igitur Victus frigidus & increas-
 cando Sanguini accommodatus. Commendatur præcipuè Ca. Fonseca
 seus recens, Alica & Pedes Quadrupedum. Lacticinia, Oryza, Tom. 2.
 pisces saxatiles & Juvenorum Carnes, non frixæ aut sale con- Conf. Med.
 spersæ, fumo induratæ vel aromatibus nimiùm conditæ, & si 53.
 quæ sunt istiusmodi plura, conducunt. Potus humectat, quic- Gal. libr. 10.
 quid substantiæ humidioris effluxit. Verum, quia non omnia de t. f. cap. 2.
 potulenta unicuique idonea sunt, idcirco ad Naturas & Mor- Idem libr. 2
 bos utentium distingui, aptarique debent: Conveniunt autem de Cib. bon.
 † Lac & Aqua, paucò Lentisco decocta. Vinum nullum bibatur, & mal. succ.
 nisi Oliogophorum aut lympharum, itemque mixtum cum cap. 19.
 † *Fonseca*. Tò. 1. Consult.
Med. 60.

Loco jam dicto. Decocto pulpæ Tamarindorum. *Fonsæca* Decocto Radicum Chinæ largiter, aut jure pullorum, uti jubet.

XL I.

Tertiò varia sunt commoda, quæ corporibus nostris à Motu communicantur. Quoniam verò *Quies* sauciatis multum prodest: quiescat *Aneurysmate* detentus, quantum fieri potest, & vehementiora Exercitia, ut Vesturæ excessum, Equitationem, Cursitationem, pilæ lusum, & similia robustis, dextrâque valetudine fruentibus committat.

XL II.

Quartò, ut viribus, ita Ordine Motui & Quietì subjunguntur *Somnus* & *Vigilia*: ex quibus etiam non minor ad tuendam Sanitatem redundat vis. *Somnus* autem sit moderatus, & *vigilia* nimia arceantur.

XL III.

Quinta *Dieta* pars, ut sic apellem, sunt *Retenta* & *Excreta*. Vbi opera danda est sedulò, ut *Alvus* & *Vrina* quotidie respondeant: cum ex longiori earundem retentione, multa sanitatis incommoda exsurgant. Singulariter autem caveant sibi *Ægri* à *Venere*, utpote per quam, agitato corpore & colliquato sanguine, *Aneurysmata* oriri & orta exacerbari possunt. Sic de *Ægris* suis Tom. 1 Cōf. Sacerdote & Mercatore, valdè conquestus est *Fonsæca*, quòd sci- Med. 60. licet *Veneri* maximè fuerint dediti. Et constat, quòd non so- Id. Tom. 2. lum *Veneri*, sed & ii, qui ex *Venere* in Morbum Gallicum sunt Conf. Med. delapsi, ac litus atque sudores ad hujusmodi Morbi curationem 55. necessarios, ob sanguinem attenuatum & incalescentem, Artesias magnas in amplitudinem p. n. distendentem, lethalia passi sint Symptomata.

XL IV.

Matth. Mar- Ultimò, supersunt *Animi Pathemata*, quibus mens nostra, tin. d. Morb veluti procellis ac fluctibus, agitur, Spiritus unà cum calore Mesent. ingenito affatim revocantur, Cor vehementer angitur, strangu- c. 22. & 23. lato calore nativo, tantum non obruitur: quin imò Corpus manifestè à naturali suo statu evertitur. Quæ enim Medicina In Morb. est, ut cum *Arnoldo de Villa Nova* loquar, quæ plus confortet, quam simpl. Med. Gaudium? plus calefaciat, quàm Ira? plus refrigeret, quàm Tristitia?

Tristitia ? plùs nutriet , quàm bona Spes ? Quare omnes , *Aneurysmate* laborantes ab animi perturbationibus , præcipuèverò ab Ira , utpote quæ plurimorum Morborum fæcundissima est Mater , & cæteris , quibus hoc malum foveri potest , sibi temperent . Gaudium , Risumque nimium & similes animi Affectiones Ægris nolo interdicare , cùm turbulenta tempora jam pridem illis viam interseperint .

Hæc sunt quæ *de Aneurysmate* tradere volui . Scio autem piscem sine spinis haud reperiri , rogo itaque omnes Viros bonos & cordatos , ut hos qualescunque conatus meos dextrè interpretari velint . Quâ bonâ spe fretus , vela congrahò & in hoc omine desino .

D E O
S I T
L A V S H O N O R E T G L O R I A .



